

知磬舉十二願

都講舉存神燒香

高功復爐

香官使者左右龍虎君侍香諸靈官當令臣向來午朝陛壇行道之所自然生金液丹碧

芝英百靈衆真交會在此香火爐前當願十方仙童玉女接侍蘭煙傳臣向來所啓之誠

速達徑御

至真无極大道

三清上聖

昊天玉皇上帝御前

知磬舉

出堂頌 出戶

引至六幕堂

道門科範大全集卷之五

道門科範大全集卷之六

廣成先生杜光庭剛定

懺穢疾病儀

晚朝行道

法事陛壇如式

都講舉各禮師存念如法

高功宣衛靈呪

五星高耀 瑞氣飛浮 元始集神 天地交周

玉符寶節 嘯命微幽 擲火揚威 好山無留

萬魔振伏 紛葩却消 摧怪滅惡 道炁周流

神光照夜 陰翳俱收 萬神降格 扇景乘騷

群生成遂 惠遍神州 和與道合真

都講舉鳴法鼓二十四通

高功發爐

無上三天玄元始三炁太上虛无大道君召

出臣等身中三五功曹左右官使者左右捧

香驛龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓關啓玄壇天帝天真當召此間

土地里域真官正神急上關啓臣今晚朝陛

壇行道謹奏為入意其諸忱悃已錄告闡願

得太上十方至真道炁靈寶瑞光下降流入

臣等身中令臣所啓之誠速達徑御

至真无極大道

三清上聖

昊天玉皇上帝御前

都講舉請稱法位

具位臣某與合壇官衆等謹同誠上啓

虛无自然元始天尊无極大道太上大道君

大聖祖高上大道金闕元天皇大帝太上

老君高上玉皇十方已得道大聖衆至真諸

君丈人三十六天帝君玉虛上帝玉帝大帝

東華南極西靈北真玄都玉京金闕七寶玄

臺紫微上官靈寶至真明皇道君日月九曜

南辰北斗星君三官五帝九府四司斗中道

德諸君無執聖衆六十甲子本命星君玄中

大法師三天大法師東嶽上卿司命真君西

極總真王君名山洞府得道神仙三界應感

一切真靈臣聞混成攝象真一凝先天地稟

之以權輿陰陽運之以生化盛衰倚仗善惡



糾紛日月有代謝之期寒暑有推遷之數惟  
茲大道統貫幽明延福垂休廣濟群品巨等  
早探真訣獲時靈圖三洞琅函有祈禳之品  
九天金札傳拯護之文四萬劫而敷弘五億  
天之宗奉制伏妖惡徵召魔靈佐國立功扶  
危救物凡有祈向敢不上聞

宣詞

按如詞言理惟虔切弟子其災纏未息疾厄  
未平歸命諸天披心大道請崇齋直延降威  
靈輒運丹誠共希玄祐以今晚朝陞壇行道  
請法眾等運茲初檢上香願此香煙騰空徑  
上供養  
無上至真道寶巨等皈身皈神皈命首體投  
地仰依  
太上三尊十方眾聖願以是檢香功德歸流  
皇帝九廟尊儀駕景三清流祥萬國鴻基克  
固鳳曆永昌敬祝  
太子諸王允扶大業以及巨寮百辟匡贊睿  
圖車軌大同梯航畢集今故燒香自皈依  
道尊大聖眾至真之德得道之後係天長存

和與道合真

以今晚朝陞壇行道請法眾等運茲二檢上  
香願此香煙騰空徑上供養  
無上至真經寶巨等皈身皈神皈命首體投  
地仰依

太上三尊十方眾聖願以是檢香功德歸流  
某家七祖九玄幽儀滯爽超辭地壤昇蒼天  
衛息注訟於冥關流福祥於後裔九幽地獄  
咸覩慈光六趣群生同躋善域今故燒香自  
皈依

經尊大聖眾至真之德得道之後永保長存  
和與道合真

以今晚朝陞壇行道請法眾等運茲三檢上  
香願此香煙騰空徑上供養

無上至真師寶巨等皈身皈神皈命首體投  
地仰依

太上三尊十方眾聖願以是檢香功德歸流  
弟子某身冤債和平災凶銷解邪衰冰泮疾  
厄雲收南斗延生東宮注祿泊諸眷屬普及  
人天同享善功咸臻道域今故燒香自皈依

師尊大聖眾至真之德得道之後永保平康  
和與道合真

懺方 命魔 三啓 三禮  
重稱法位

具位臣某與醮壇官眾等謹同誠上啓

三清上帝十極高真三界無筵兩班列聖恭  
望洪慈洞回昭鑒巨等參佩寶文夙漸靈澤  
竊披玄奧志在敷揚思立善功廣被群品弟  
子某災凶在運疾厄所纏列欵表心虔誠禱  
福請崇齋直關奏真靈是敢遵按典儀轉經  
行道懺謝弟子某前生今世宿罪深尤或違  
天地覆載之仁或虧日月照臨之德犯三氣  
五行之性傷三光六紀之和前寃未除後罪  
重結故殺誤傷肆意任心不識因緣罔知忌  
諱六情所起于犯幽明三業所為負越經訓  
成茲報對構此災危又恐犯觸龍神興工土  
木侵傷地理違爽天時又恐宿曜所臨年運  
所犯九宮刑剋八卦衝妨疾厄既深憂危是  
切敢因啓齋設欵懺謝過愆燒香然燈折天  
請命災殃罪咎咸乞懺除使太一延生三元

却死靈童投藥大帝降符六府調和百關宣  
暢壽延祿永禍滅福生弟子某家九祖生天  
六親蒙祐九幽六趣動植飛沉各遂所宜咸  
承福利上願

龍圖鴻業地久天長文德允修武功遐著川

浮聖澤日並睿明八卦九疇再彰於清洛連

珠合璧重親於玄穹百穀無愆三農有積疵

癘不作水旱無侵風雨以時干戈永戢遍該

含識下及幽途川嶽職寮陰陽臣佐誅邪助

正弘道安人齊契道階俱昇福岸則上明

聞天尊大慈之澤下副臣等懺謝之誠謹啓以

知磬舉十二願

都講舉存神燒香

高功復爐

香官使者左右龍虎君侍香諸靈官當令臣  
向來晚朝陞壇行道之所自然生金液丹碧  
芝英百靈眾真交會在此香火爐前當願十  
方仙童玉女接侍蘭煙傳臣向來所啓之誠  
速達徑御

卷二

十六

至真元極大道

三清上聖

吳天王上帝御前

知磬舉

出堂頌

引至六幕堂

出戶

道門科範大全集卷之六

正一天師清微 共百堅 製作  
道教學術資訊網站

道門科範大全集卷之七同卷八九

廣成先生杜光庭剛定

消災星曜儀

啓壇行道

法事陞壇如式

都講舉各禮師存念如法

高功宣衛靈呪

東方

九炁青天明星大神 煥照東鄉 洞映九門  
轉燭陽光 掃穢除氛 開明童子 號曰玄卿

備衛我軒 上對帝君 收魔束妖 討捕兇群

奉承正道 赤書玉文 九天符命 攝龍驛傳

普天安鎮 我得飛仙和與道合真

南方

三炁丹天 煥景流光 熒星轉燭 洞照太陽

上有赤精 合契虛皇 開明靈童 號曰華房

總統火兵 備守玉堂 斬邪束妖 勇截魔王

北帝所承 風火莫當 流鈴交煥 翊衛壇場

正道流行 敢有已狂 我享上功 坐運魁罡

億劫長存 保天無疆和與道合真